



ERANSKINA

**GARDENTASUNARI ETA INFORMAZIO
PUBLIKOA ESKURATZEARI BURUZKO
URTEKO TXOSTENA
(2018. urtea)**

Egiaztatzeko helbidea Dirección de comprobación
<https://e-s.araba.eus/wps/portal/ConsultaCove>

Ziurtagiriaren zk. Código de Verificación
b6cE-FH2I-IFeu-EFj2



2019ko martxoa



Aurrekariak

Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legeak informazio jakin bat ofizioz argitaratu eta informazioa eskuratzeko eskubidea bermatu beharra ezartzen du, eta hark ezarri zituen aurrekariak 2017ko otsailaren 21ean indarrean sartu zen Arabako Lurralde Historikoko sektore publikoaren gardentasunaren, herritarren parte hartzearen eta gobernu onaren 1/2017 Foru Araua egiteko.

Handik aurrera, Arabako Foru Aldundiak foru arau hori behar bezala betetzeko neurriak onetsi eta ezartzera bideratu du bere lana:

- Egitura dekretuak aldatu dira 1/2017 Foru Araua egokitzeko. Foru arau horretan, foru arauan bertan ezarritako funtzioak egikaritzeko administrazio unitateetako arduradunak zehaztu dira gardentasuna, herritarren parte hartzea eta informazioa eskuratu ahal izatea sustatzeko. Gardentasunaren Foru Kontseilua sortu da Arabako Foru Aldundiak eta foru sektore publikoa satzen duten gainerako erakundeek informazio publikorako sarbidea esanbid ez edo presuntzios ukatzen dieten herritarrek ukatze horien kontra jarritako erreklamazioei erantzuna emateko.
- Xedapen Orokorrek Egiteko Prozedurari buruzko 29/2017 Dekretua onetsi da.
- 2018ko martxoan Arabako Foru Aldundiaren Gobernu Irekiaren Ataria —Araba Irekia— aurkeztu zen jendaurrean: **irekia.araba.eus**. Atari horren bidez **publizitate aktiboko informazioa** eskuratzeko errazten da, eta horren bitartez egikaritu daiteke **informazio publikoa eskuratzeko eskubidea**. Ataria etengabe berrikusi, zabaldu eta eguneratzen da, eta garrantzi handiko bigarren fasea hasiko da 2019an.
- Arabako Foru Aldundia OGP Euskadi ekimenaren partaide da, EAEko gainerako erakundeekin (Eusko Jauriaritza, BFA, GFA, Gasteizko Udala, Bilboko Udala eta Donostiako Udala, eta Eudel) eta Innobasque agentziarekin batera.
- 2018ko abendutik 2019ko maiatzera bitartean, AFaren Gobernu Irekirako Estrategia prestatzeko prozesua gauzatu da.



Helburua

Txosten honen helburua Arabako Foru Aldundiak gardentasunari buruz egindako lanaren berri ematea da, eta Arabako Lurralde Historikoko sektore publikoaren gardentasunaren, herritarren parte hartzearen eta gobernu onaren 1/2017 Foru Arauaren 28. artikulua betetzea 2018an zehar.

Alderdi hauei buruzko argibideak jaso dira txostenean:

- a) Arabako Foru Aldundiko sail bakoitzak eta foru sektore publikoko gainerako erakunde bakoitzak noraino bete dituen publikotasun aktiboaren arloko betebeharrak.
- b) Gobernu Irekiaren Atarian gehien kontsultatutako edukiak.
- c) Zerbitzu bakoitzean informazio publikoa eskuratzeko eskubidearen egikaritzea:
 - Aurkeztutako eskaeren kopurua
 - Zenbat eskaera ebatzi diren
 - Ebazpena emateko batez besteko epea
 - Guztiz, partzialki edo hirugarren pertsonen aurkakotasunarekin onetsitako eskaera kopurua, eta azken kasu bi horietan, horretarako arrazoiak
 - Ezetsitako edo onartu gabeko eskari kopurua eta horren arrazoiak
 - Sarrien eskatzen den informazioa
 - Eskatzailearen profila (adin tartea, sexua eta eskaeran erabilitako hizkuntza)
- d) Gardentasunaren alorrean foru araubidea aldatzeko iradokizunak.

Foru Gobernu Kontseiluari txostena aurkeztu ondoren, Foru Gobernu Kontseiluak Arabako Batzar Nagusiei bidaliko die eta Arabako Foru Aldundiaren Gobernu Irekiaren Plataforma honetan argitaratuko da: **irekia.araba.eus**.

Txostena atal hauetan banatuta dago:

- Gobernu Irekiaren Ataria: **Araba Irekia**
- Publikotasun aktiboa
- Informazio publikoa eskuratzeko eskaerak



1. Gobernu Irekiaren Ataria: Araba Irekia

1.1 Aurkezpena

1/2017 Foru Arauaren 4. artikuluan Gobernu Irekiaren Ataria arautzen da telekomunikazioetako sare publikoetan eskuragarri dagoen webgunea bezala. Arabako Lurralde Historikoko sektore publikoaren eta herritarren arteko interakziorako lekua da; ekintza publikoa modu parte hartzailean eta erantzukizun partekatuarekin kudeatzera bideratuta dago, eta bertan gauzatzen dira gardentasunaren, parte hartzearen eta kontu ematearen printzipioak.

Araba Irekia (irekia.araba.eus) izeneko Arabako Foru Aldundiaren Gobernu Irekiaren Ataria 2018ko martxoaren 13an jarri zen abian. Atariko edukiak egituratuta eta modu sinplean antolatuta daude, berrerabil daitezkeen formatuetan, sarbidea errazteko helburuarekin. Gainera, edukiak eguneratuta daude, eta argitaratzen den eta zaharkitua geratzen den informazioari buruzko informazio historikoaren gordailutzat balio du.

Atariaren helburuak:

- a) Herritarrentzako eskuragarri jartzea 1/2017 Foru Arauan oinarrituz publikotasun aktiboaren betebeharre lotutako informazioa.
- b) Herritarrei aktiboki entzun dakien sustatzea, eta orobat haien eta foru sektore publikoaren arteko elkarriketa ere, jardun publikoa haien eskaerei erantzutera bideratzearen.
- c) Herritarrek gai publikoetan parte eta esku hartzeko bideak ezartzea, Arabako Lurralde Historikoaren gobernantzan lagundu dezaten jardule aktibo modura.
- d) Herritarren beharrianak identifikatu eta baliabideak eskuratzea, herritarrek benetan parte har dezaten gai publikoetan.

Halaber, Araba Irekian Nazioarteko Gardentasunak ezarritako adierazleei buruzko informazioa ere argitaratzen da, baita Foru Aldundiak herritarrentzat interesekoa izango dela pentsatzen duen informazio guztia ere.

Araba Irekian, bereizkeriarik gabeko hizkera erabiltzen da, emakumeak eta gizonak berdin bistaratzen dituena. Informazio edukietan eta txertatzen zaizkien irudietan kontuan hartzen dira oreka, berdintasuna eta askotarikotasuna, eta estereotipoak saihesten dira; horrek emakumeak bizitzako arlo guztietan agertzen direla erakusten du (gizartea, politika, ekonomia eta kultura).



1.2 Irekian gehien kontsultatu diren edukiak:


Irekian gehien ikusi diren atalen analisia egiteko Google Analytics aplikazioa erabiltzen da. Araba Irekia 2018ko martxoan argitaratu zen eta, hortaz, ezin dugu alderaketarik egin, ez baitaukagu 2017ko daturik.

113.026 orri bisitatu dira 2018ko martxoaren 18tik abenduaren 31 bitartean. Sesio bakoitzeko bisitak guztira 50.864 izan dira.

1.2.1 Gehien ikusi diren edukiak:

Foru gobernuaren jardunen programari buruzko informazioa antolatzen duten edukiek jaso dute bisitarik gehien: Foru Aldundiaren Plan Estrategikoan jasotako gobernuaren ekintza eta sailei buruzko informazioa. Jende askok ikusi ditu langile publikoei buruzko datuak ere. Azkenik, gehien kontsultatu diren edukien artean daude erakunde publikoei loturiko informazioa, sailen egitura eta informazio publikoaren katalogoa.

Gehien ikusi diren edukiak




- Gobernu plana
- Langile publikoak
- Entitate publikoak
- Sailen egitura
- Informazio publikoaren katalogoa




1.2.2 Araba Irekia gehien bisitatu duten erabiltzaileak 35 eta 44 urte bitartekoak izan dira, bisitari guztien % 31.

Adina



1.2.3 Sexuari dagokionez, nahiko parean daude atarira sartu diren emakumeen eta gizonen ehunekoak.

Sexua





2- Publikotasun aktiboa

Publikotasun aktiboaren kontzeptuak barnean hartzen ditu garrantzizko informazio publikoko betebeharrak aldizka eta modu eguneratuan argitaratzeko konpromisoa izatea, informazioa batzea eta hedapen proaktiboa egitea, herritarrei jarduera helarazteko Foru Administrazio Publikoak ahal duen eta gehien, baita foru sektore publikoko erakundeei buruzkoa ere, botere publikoen kontu emateak hobetzeko helburuarekin.

Informazio hori guztia **Araba Irekian** dago eskura, Gobernu Irekiaren Atarian, eta doan ematen da, eguneratuta, modu sinplean, argian eta sarbide errazarekin.

Zeharkako gaia denez, ezinbestekoa da sail guztiak tartean izatea eta, egitura dekretuz, erakundean gardentasuna bultzatzeko ardura duten pertsonekin batera lan egitea. Haien ahaleginari esker gauzatzen dira informazio fluxuak eta eguneratzen dira edukiak.

Publikotasun aktiboaren helburua da gardentasun handiagoa lortzea, antolaketa kulturaren elementu gako bihurtuz.

1/2017 Foru Arauan honako eduki espezifiko hauek ezarri dira publikotasun aktiboko eremu ezberdinetan argitaratzeko:

- 1) Erakundeei buruzko informazioa, antolamendukoa, plangintzako eta ondareari buruzkoa.
- 2) Foru arau honen aplikazio eremuko erakundeetan erantzukizun gorena duten pertsonen eta goi kargudunen buruzko informazioa.
- 3) Garrantzi juridikoa daukan informazioa.
- 4) Kontratazioari, hitzarmenei eta dirulaguntzei buruzko informazioa.
- 5) Ekonomiari, finantzei eta aurrekontuei buruzko informazioa eta informazio estatistikoa.

Txosten honetan jaso da puntu-puntu zenbateraino bete diren, foru araua kontuan hartuta.



2.1 Erakundeari eta haren antolamenduari, plangintzari eta ondareari buruzko informazioa

(22. artikulua) Erakundeei buruzko informazioa, antolamendukoa, plangintzakoa eta ondareari buruzkoa

1. Erakunde eta antolakuntza informazioa:

- a) Bete behar dituzten eginkizunak.*
- b) Aplikatzen zaien araudia.*
- c) Antolamendu egitura. Organigrama eguneratua zehaztu behar da, organo guztien arduradunak identifikatuta.*
- d) Egoitza non dagoen, jendearen arretarako ordutegia eta harremanetarako bideak.*
- e) Langileen kopurua; urteko ordainsari osoak, tartearen, mailaren eta lanpostuaren arabera; langile finkoen eta aldi baterako langileen ehunekoak; erantzukizuneko lanpostuak; esleitutako hizkuntza eskakizunak, eta egiaztatutakoen ehunekoa; eta libreki izendatu eta kargutik kendu daitezkeen konfiantzazko kargudun, aholkulari edo laguntzaileen kopurua. Datu horiek guztiak sexuaren arabera xehatu behar dira.*
- f) Lan eskaintza publikoa, edo langile beharizanak kudeatzeko antzeko tresnaren bat, eta hautaketa prozesuak.*
- g) Liberatu instituzionalak zenbat diren, euren sindikatuen arabera sailkatuta, eta urtean zenbat ordu hartzen dituzten.*
- h) Langile publikoei bateragarritasuna baimentzeko edo onartzeko emandako ebazpenak.*
- i) Aholkularien eta konfiantzazko karguen zerrenda, bai eta haien kargu uzteak. Adieraziko da zein organori atxikiak diren eta zein diren beren zereginak.*
- j) Aurkeztutako administrazioarekiko auzi errekurtsoen urteko txostena*

2. Urte planak eta programak eta hainbat urterakoak:

Foru Administrazioak eta foru erakunde autonomoek argitara emango dituzte helburu zehatzak ezartzen dituzten plan eta programak, urtekoak nahiz urte anitzekoak, eta horiek betetzeko aurreikusitako ekintzak, baliabideak eta epeak. Betetze maila eta lortutako emaitzak aldi behin ebaluatu eta argitaratuko dira, neurketaren eta balorazioaren adierazleekin batera.

Halaber, arau honen aginduz egiten diren ebaluazioak sistematikoki argitaratuko dira; horri dagokionez ez da beste mugarik izango indarreko legerian ezarritakoak baino.

3. Aurreko horiez gainera Arabako Foru Aldundiak informazio hauek ere argitaratuko ditu:

- a) Bere jabetzako ondasun higiezinak eta eskubide erreala daukan ondasun higiezinak zerrenda, eta bakoitzari ezarritako erabilera edo zerbitzua; bakoitza zein saili edo erakunderi atxikita edo zein entitateri lagata dagoen.*
- b) Parte hartzen duen erakunde publiko eta pribatuaren oinarritzko datuen zerrenda. Kasuan kasuko partaidetza mota eta erakunde horien web orrietan sartzeko estekak jarri behar ditu.*



Foru aldundiak 22. artikuluko eduki guztiak argitaratu ditu, 22.2. artikuluari dagozkion bi eduki izan ezik.

Sistematizazio prozesu bat lantzen ari da, planak zenbateraino bete diren aztertzeko eta lortutako emaitzak ebaluatzeko.

2.2 Erakundeetan erantzukizun gorena duten pertsonen eta goi kargudunen buruzko informazioa.

(23. artikulua) Foru arau honen aplikazio eremuko erakundeetan erantzukizun gorena duten pertsonen eta goi kargudunen buruzko informazioa

- a) *Pertsona horien identifikazioa, profila eta lan ibilbidea.*
- b) *Urtean jasotzen dituzten mota guztietako soldadak edo ordainsariak; kargua utziz gero, jasotako kalte-ordainak.*
- c) *Beste organo eta erakunde batzuetan dauzkaten karguak edo ordezkariak, eta dauzkaten bestelako kargu publikoak.*
- d) *Organo eskudunak egin beharreko jardueren bateraezintasunaz emandako ebazpenak.*
- e) *Arabako Foru Aldundiko jardueren eta ondasun interesen erregistroen araudian xedatzen denaren arabera, ALHAOn argitaratu beharreko ondasun eta interesen aitorpenak eta sei hilean behin Arabako Batzar Nagusietara aitorpenez bidali beharreko informazioa (kopurua eta motak), aitortu beharra bete ez duten kargudunen kopurua eta kargudunok nortzuk diren. Nolanahi ere, ez dira emango ondasun higiezinak zehazki non dauden adierazten duten datuak, eta titularren pribatutasuna eta segurtasuna bermatuko dira.*
- f) *Jardueren agenda instituzionala; zehaztuko da diputatu nagusiarena eta Foru Gobernu Kontseiluko gainerako kideena, eta gutxienez adieraziko dira 44. artikulua aitpatzen duen erregistroan inskribatuta dauden norbanako edo entitateekin izandako bilerak edo topaketak.*
- g) *Diputatu nagusiak eta Foru Gobernu Kontseiluko gainerako kideek beren zereginak betetz egindako nazioarteko bidaia baten ondorengo hilabetean, adieraziz bidaia horren xedea.*

Arabako Foru Aldundiak 23. artikuluko edukiak argitaratu ditu.



2.3 Garrantzi juridikoa daukan informazioa

(24. artikulua) Garrantzi juridikoa daukan informazioa

- a) Foru arauen proiektuak, araugintzako foru dekretuen proiektuak eta zerga premiazko araugintzako dekretuen proiektuak, eta horiek guztiak sortzeko egiten diren espedienteetako memoriak eta txostenak, betiere Diputatuen Kontseiluaren onarpenarekin.
- b) Araugintzako foru dekretuen proiektuak entzunaldiaren edo jendaurreko informazioaren izapidea egiten denean argitaratuko ditu. Entzunaldiaren edo jendaurreko informazioaren entzunaldia egin behar ez bada, Arabako Foru Administrazioaren Aholku Batzordeari irizpena eskatzen zaionean argitaratuko da; irizpena emandakoan, publikotasuna aplikatuko zaio.
- c) Herritarren parte hartzea egonez gero, prozesuaren memoria eta ondorioak.
- d) Indarreko legeria sektorialaren arabera izapidetzean jendaurrean jarri behar diren dokumentuak.
- e) Foru Gobernu Kontseiluaren gai zerrendak, aurretiaz, eta Kontseiluak hartutako erabaki guztien laburpenak, hirurogeita hamabi orduko epean.
- f) Arabako Lurralde Historikoan indarrean dagoen araudia; beti egon behar da eguneratuta eta herritarren eskura.
- g) Gidalerroak, jarraibideak, erabakiak, zirkularrak eta norbanakoek edo beste organo batzuek egindako kontsulten erantzunak, baldin eta zuzenbidea interpretatzen badute edo ondorio juridikoak badituzte.

Arabako Foru Aldundiak 24. artikuluko edukiak argitaratu ditu.



2.4 Kontratazioari, hitzarmenei eta dirulaguntzei buruzko informazioa

(25. artikulua) Kontratazioari, hitzarmenei eta dirulaguntzei buruzko informazioa

Kontratazio jarduerari dagokionez:

- a) *Kontratu guztiak, horien xedea, iraupena, lizitazioko eta adjudikazioko zenbatekoak, erabilitako prozedura, publizitaterako erabilitako tresnak (publizitaterik izan bada), kontratazio prozeduran parte hartutakoen kopurua, adjudikazioa jaso duen pertsonaren edo entitatearen izena, sartutako klausula sozialak eta, horien artean, berdintasun klausulak. Argitara emango dira, halaber, aldaketak eta luzapenak, eta adjudikazio prozeduran atzera egiteko eta kontratuak egiteari uko egiteko erabakiak. Kontratu txikiei buruzko informazioa bi hilean behin argitaratu ahal izango da.*
- b) *Kontratazio entitateak eta organoak (datu hauek adierazita: telefonoa, posta helbidea eta helbide elektronikoa, eta kontratazio mahaien osaera), eta haien aktak eta ebazpenak.*
- c) *Sektore publikoko kontratuen legerian ezartzen diren prozeduretako bakoitzaren arabera adjudikatzen diren kontratuak aurrekontu bolumenean egiten duten ehunekoari buruzko datu estatistikoak.*

1. Hitzarmenei dagokienez:

- a) *Sinatutako hitzarmenen zerrenda. Bertan aipatuko dira alderdi sinatzaileak, xedea, iraunaldia, egindako aldaketak, hitzartutako prestazioak, hitzarmena bete behar duten subjektuak eta, halakorik bada, hitzartutako betebeharrak ekonomikoak, eta sartutako klausula sozialak, tartean berdintasunekoak.*
- b) *Kudeatzeko arduraren emateko sinatutako mandatuak, horien xedea, aurrekontua, iraupena, betebeharrak ekonomikoak eta egiten diren azpikontratazioak, horien adjudikazioa jaso duten pertsonak edo entitateak, adjudikaziorako erabilitako prozedura eta adjudikazioaren zenbatekoa.*

2. Dirulaguntzei dagokienez:

- a) *Emandako dirulaguntzak eta laguntzak –deialdia aipatu behar da, edo emateko ebazpena, salbuespenezko dirulaguntzen kasuan–, haien zenbatekoa, helburua edo xedea, pertsona onuradunak eta sartutako klausula sozialak, tartean berdintasunekoak.*
- a) *Alderdi politiko, federazio, koalizio edo hautesle elkarteentzako dirulaguntzak, martxoaren 27ko 1/1987 Legeak, Lurralde Historikoetako Batzar Nagusietarako Hauteskundeak, 11. artikuluan aipatzen dituen hauteskunde gastuak finantzatzeko eman zaizkienak. Emandako zenbatekoaren azalpena egin behar da, artikuluko horretan ezarritako moduan.*

Arabako Foru Aldundiak 25. artikuluko edukiak argitaratu ditu.



2.5 Ekonomiari, finantzei eta aurrekontuei buruzko informazioa eta informazio estatistikoa

(26. artikulua) Ekonomiari, finantzei eta aurrekontuei buruzko informazioa eta informazio estatistikoa

1. Foru Aldundiak eta arau honetako 3.1 artikuluan aipatzen diren gainerako erakundeek aditzera eman beharko dituzte ekonomiari edo aurrekontuei eragiten dieten informazioak, hain zuzen ere:

- a) *Aurrekontuak; aurrekontu partida nagusiak deskribatu behar dira eta haien gauzatze egoerari buruzko informazio eguneratua eta ulerterraza eman behar da, ahalik eta xehatuena eta partida guzti-guztiak deskribatuz. Aurrekontu gauzatzearen publikitatea hilerokoa izango da Arabako Foru Aldundiaren eta bere organismo autonomoen kasuan, eta 3.1. artikuluan zerrendatutako gainerako entitateentzat hiru hilerokoa izango da.*
- a) *Eman beharreko urteko kontuak, eta kanpoko kontrol organoek kontu horien gainean egiten dituzten auditoretzako eta fiskalizazioko txostenak.*
- b) *Urtero argitaratuko dira ondorengo finantza eta aurrekontu adierazleak, likidatutako azken aurrekontuarenak:*
 - *Superabita (edo defizita) biztanleko (doitutako aurrekontu emaitza / biztanle kopurua).*
 - *Autonomia fiskala (zerga bidezko diru sarreraren errekonozitutako eskubide garbiak / Errekonozitutako eskubide garbiak, guztira).*
 - *Foru Aldundiaren finantzatzeko gaitasunak/beharrak diru sarrera finantzarioen edo probintziako barne produktu gordinaren (BPG) gaineko kontabilitate nazionalari dagokionez ordezkatzeko duen proportzioa.*
 - *Zerga bidezko diru sarrerak biztanleko.*
 - *Inbertsioa biztanleko.*
 - *Batez besteko kobrantza aldia.*
 - *Zorpetzea biztanleko*
 - *Zorpetze erlatiboa, zorrak eta epe luzeko maileguez, guztira, diru sarrera arrunten gainean ordezkatzeko duten portzentaje gisa kalkulaturik.*
 - *Fakturak ordaintzeko batez besteko aldia.*
 - *Balio erantsiaren gaineko zergaren itzulketak egiteko urteko batez besteko epea, Hileko Itzulketen Erregistroari dagokionez.*

2. Aurrekoen gainera Arabako Foru Aldundiak informazio hauek ere argitaratuko ditu:

- a) *Aurrekontu egonkortasunaren eta finantza jasagarritasunaren arloko helburuak betetzeari buruzko informazioa.*
- b) *Bere diru sarrera eta gastuekin zerikusia duen oinarrizko informazioa: zerga sarrerak; gastua eta inbertsioa biztanleko eta udalerriko; eta hornitzaileei ordaintzeko epeak betetzearen ingurukoa.*
- c) *Foru sektore publikoaren finantzaketari buruzko oinarrizko informazioa (finantzatzeko tresnak aipatu behar dira).*
- d) *Arabako Foru Aldundiaren zorra, horren bilakaera denboran zehar, epeak eta oinarrizko ezaugarriak, biztanle bakoitzeko zorra eta zor erlatiboa; eta Aldundiak bere merkataritza sozietateei baimendutako zorpetze eragiketak.*
- e) *Abenduaren 18ko 53/1992 Foru Arauak, Arabako Lurralde Historikoko ekonomia eta aurrekontu araubidearenak, 100. artikuluan xedatzen duenaren arabera Arabako Foru Aldundiak emandako abalak.*



- f) Publizitate instituzionaleko kanpainetan egindako gastu publikoa. Hautatutako euskarria eta komunikazio bidea aipatu behar dira.*
- g) Aldundiaren eskumeneko zerbitzu publikoen betetze maila eta kalitatea baloratu ahal izateko behar den informazio estatistikoa.*

Gardentasun gehiago egoteko, herritarrentzako interesgarria izan daitekeen gainerako informazio publikoa gehitzea sustatuko da. Maiz eskatzen den informazioa ere gehitu egingo da.

Arabako Foru Aldundiak 26. artikuluko edukiak argitaratu ditu.



3- Arabako Foru Aldundiaren erakunde publikoak

1/2017 Foru Arauaren 29. artikuluan adierazten den bezala, 3.1. artikuluan zerrendatutakoek beharrezko neurriak hartuko dituzte Gobernu Irekiaren Atarian publikotasun aktiboari lotutako informazioa modu progresiboan gehitzen dela bermatzeko, ahalik eta modu zabalenean eta sistematikoenean.

Gaur egun, foru erakunde publikoak lanean ari dira, oraindik argitaratu ez dituzten edukiak pixkanaka sartu eta eguneratzeko.

Hona hemen Arabako Foru Aldundiaren mendeko erakunde publikoen zerrenda eta argitaratuta daukaten publikotasun aktiboari loturiko informazioa:

3.1 Foru erakunde autonomoak

3.1.1 Gizarte Ongizaterako Foru Erakundea

- Informazioa eskura dago Arabako Foru Aldundiaren Gobernu Irekiaren Atarian.

3.1.2 Gazteriaren Foru Erakundea

- Informazioa eskura dago Arabako Foru Aldundiaren Gobernu Irekiaren Atarian.

3.1.3 Arabako Foru Suhiltzaileak

- Informazioa eskura dago Arabako Foru Aldundiaren Gobernu Irekiaren Atarian.

3.2 Foru sozietate publikoak

3.2.1 Araba Garapen Agentzia

- Urteko aurrekontua (2018)
- Lanpostu zerrenda eta organigrama.
- Goi kargudunen ordainsariak
- Urteko jarduera plana (2018)
- Informazio publikorako sarbidea (lotura Araba Irekia atarira)

3.2.2 Aldalur Araba SL

- Informazioa eskura dago Arabako Foru Aldundiaren Gobernu Irekiaren Atarian.



3.2.3 Arabat - Arabako Bideak

- Lanpostu zerrenda

3.2.4 Arabako Kalkulugunea

- Lanpostu zerrenda
- Memoria
- Kontuak
- Informazio publikorako sarbidea (lotura Araba Irekia atarira)

3.2.5 Indesa 2010 SL

- Hitzarmena (irakurketa errazeko bertsioa)
- Delituak Prebenitzeko Plana eta Jardunbide Profesional Egokien Eskuliburua
- Informazio publikorako sarbidea (lotura Araba Irekia atarira)

3.2.6 Naturgolf SA

- Aurrekontuak
- Lanpostu zerrenda
- Goi kargudunak
- Memoria
- Informazio publikorako sarbidea (lotura Araba Irekia atarira)

3.3. Foru fundazio publikoak

3.3.1 Arabako Artium Fundazioa

- Plan estrategikoa eta zenbateraino bete den
- Fundazioaren jardura (osoko bilkurak, hitzarmenak eta erabakiak)
- Organigrama
- Fundazioaren estatutuak eta Etika eta Gobernu Onaren Kodea
- Aurrekontuak, urteko kontuak eta kontu ikuskaritzak
- Emaizten ebaluazioa (memoriak, txostenak eta abar)
- Informazio publikorako sarbidea (lotura Araba Irekia atarira)

3.3.2 Santa Maria Katedrala Fundazioa

- Urteko aurrekontua
- Legezkoatasunari buruzko txostena
- Urteko kontuak eta kontu ikuskaritza
- Lanpostu zerrenda
- Hitzarmenak eta kudeaketa-esleipenak
- Obren memoria



- Jardueren memoria
- Informazio publikorako sarbidea (lotura Araba Irekia atarira)

3.3.3 Kirolaraba Fundazioa

- Plan estrategikoa
- Lanpostu zerrenda
- Urteko aurrekontua
- Kontratuak eta dirulaguntzak

3.3.4 Añanako Gatz Harana Fundazioa

- Helburuak
- Lanpostu zerrenda
- Urteko kontuak
- Urteko aurrekontua
- Kontratatzailearen profila
- Hitzarmenen zerrenda
- Goi kargudunen ordainsariak
- Ondasun higiezin zerrendak
- Jasotako dirulaguntzak
- Informazio publikorako sarbidea (lotura Araba Irekia atarira)



4- Informazio publikoa eskuratzeko eskaerak

Informazio publikoa eskuratzeko eskubidearen egikaritzea Arabako Lurralde Historikoko sektore publikoaren gardentasun, herritarren parte hartze eta gobernu onaren otsailaren 8ko 1/2017 Foru Arauaren 30. artikuluan dago jasota, eta pertsona fisiko eta juridiko guztiek Arabako Foru Aldundian eta foru sektore publikoa osatzen duten gainerako erakundeetan dagoen informazio publiko guztia eskuratzeko eskubidea aintzatesten da, informazioa eskatzeko justifikaziorik egin behar izan gabe.

Informazio publikoa foru sektore publikoko erakundeek dutena da (Foru Aldundiak, erakunde autonomoek, sozietate publikoek eta foru fundazioek) eta beraien funtzioak egikaritzeko sortu, aldatu edo eskuratu dutena.

Informazio publikoa eskuratzeko eskaerak hartzea gardentasun unitatearen kargura izango da, eta bertan, gaia oinarri hartuz, eskumenak dituen antolakuntza unitatea identifikatuko da. Era berean, gardentasun unitateak sailei aholkularitza emango die izapidetze fase ezberdinei buruz, eta eskarien jarraipena eta kontrola gauzatuko du.

Eskariak barneko mailan izapidetzeko berariazko espedienteen kudeatzaile digitala egongo da eta informazio publikoko eskariak izapidetuko ditu.

Informazio eskari horiek izapidetzeko unitateak eta ebazpen proposamenak egingo dituztenak hauek dira:

- **Foru Aldundian:** egitura organiko eta antolakuntzako foru dekretuan adierazitako administrazio unitateek kudeatu eta ebatziko dituzte.
- **Foru sektore publikoko gainerako erakundeetan:** atxikita dauden saileko administrazio unitateak, egitura organiko eta funtzionalaren arabera.

Helburua erakunde honetako pertsona guztiek Foru Aldundiak hartutako gardentasun konpromisoak beraien gain hartzea da.

Eskaera ebazteko organo eskumenduna hura izapidetu duen saileko diputatu titularra da, foru agindu bidez, edo foru dekretu bidez diputatu nagusiaren kasuan. Ebazteko epea hilabetekoa izango da, eta beste hilabete luzatu ahal izango da informazio bolumenak edo konplexutasunak hala eskatzen duenean eta eskatzaileari aurretiaz horren berri emanda.


Informazio publikoa guztiz eskuratu ahal izateko printzipioa oinarri hartuta, arau orokorra gardentasuna edo sarbidea izatea izan beharko da. Hala ere, 1/2017 Foru Arauak informazio publikoa eskuratzeko eskubidea ez onartzearen eta mugatzearen arrazoien zerrenda xehatua jasotzen du. Era berean, datu pertsonalak babesteko araubidea beteko da.




4.1. 2018an jasotako eskaerak:

4.1.1 **Informazio publikoa eskuratzeko** 2018an aurkeztu diren **eskaeren kopurua** 37 izan da.

Datu horiek erakusten dute informazio publikoa eskuratzeko eskaera gehiago egin dela aurten, iaz baino % 76 gehiago.



- Diputatu Nagusia: 4
- Ekonomia Garapena eta Lurralde Oreka: 2
- Enplegua, Merkataritza eta Turismo Sustapena eta Foru Administrazioa: 6
- Ogasun, Finantza eta Aurrekontuak: 2
- Gizarte Zerbitzuak: 4
- Nekazaritza: 4
- Bide Azpiegituren eta Mugikortasuna: 8
- Euskera, Kultura eta Kirola: 0
- Ingurumena eta Hirigintza: 7



2017ko eskaerak



4.1.2 Sail bakoitzeko **gehien kontsultatu diren gaiak** hauek izan dira:

- Diputatu Nagusia:
 - Foru kargu publikoko jarduna arautzen duten foru arau aurreproiektuak lantzeari buruzko informazioa.

- Ekonomia Garapena eta Lurralde Oreka:
 - Enpresa poligonoetan zuntz optikoa zabaltzeari buruzko informazioa.
 - Datu ekonomikoak eta agirien kopia.

- Enplegu, Merkataritza eta Turismo Sustapena eta Foru Administrazioa:
 - 2007ko EPEko ariketak eta erantzunen txantiloia eskatu dira.
 - Foru aldundiak erabiltzen dituen tresna elektronikoei buruzko informazioa.

- Euskara, Kultura eta Kirola:
 - Ez du informazio publikoa eskuratzeko eskaerarik jaso 2018an.

- Ogasuna, Finantzak eta Aurrekontuak:
 - 2000. urtetik 2008ra artean atzerritarrek egindako errenta aitorten anonimoen datuak biltzen dituen informazioa, ikerketa akademikorako.
 - Arabako Foru Aldundiaren ondasun higiezin zerrendari buruzko informazioa.

- Bide Azpiegiturak eta Mugikortasuna:
 - Kontrolari eta ikuskatzei buruzko informazioa.
 - Bidaiarien herri arteko erabilera orokorreko garraio erregularren kontratuak.
 - Zerbitzu publikoko txartei buruzko informazioa.



- Ingurumena eta Hirigintza:
 - Espedienteak ikusteko eskatu da.

- Gizarte Zerbitzuak:
 - GOFEk izenpetutako lankidetzak hitzarmenak, adingabeekin zerikusia dutenak

- Nekazaritza:
 - Basoetan, ehiza esparruetan eta baso suteetan egindako esku hartzei buruzko informazioa.



4.1.3 Eskerak **ebaztea**:



- Informazio publiko eskaerak ebazteko batez besteko epea 45 egunekoa izan da.
- Eskaera bat ezetsi da:
 - Ezestearen arrazoia izan da tributuei buruzko datuak isilpekoak direla; hain zuzen, kudeatzeko bere ardurapean dituen baliabideak edo tributuek behar bezala aplikatzeko eta kasuan kasuko zehapenak ezartzeko bakarrik erabil daitezke datu horiek.




- Onartu ez diren sei eskaerei dagokienez:

- Lau ez ziren onartu, kasuan kasuko sailak, prozedurari jarraipena eman ahal izateko, eskaera zuzentzea eskatu ondoren. Eskatzaileek ez zioten erantzun zuzentzeko eskaerari edo zuzenketak ez zituzten epe barruan egin.
- Eskaeran ez zen adierazi zer informazio eskatzen zen.
- Eskaera ez zen informazio publikoari buruzkoa.



4.1.4 Eskatzaileen **profilari** dagokionez:

- Adina: ez dakigu.
- Sexua: 20 gizon, 6 emakume.
- 11 elkarte





4.1.5 **Hizkuntza:** 35 eskaera gaztelaniaz aurkeztu ziren, eta 2 euskaraz.





5- ONDORIOAK

Gardentasun, herritarren parte hartze eta gobernu onari buruzko 1/2017 Foru Araua onestean kudeaketa publikoko eredu berri bat ezarri nahi da, eta jarduera publikoan gardentasunaren kultura sustatzeko eta bultzatzeko beharra azpimarratzen da.

Ildo horri jarraituz, 2018. urtean lanean jarraitu da aurrera egiteko administrazio publiko arduratsu bat lortzeko bidean, lehentasuntzat jarrita gardentasun erabateko eta iraunkorraren kudeaketa.

2017an erregistratutako datuekin alderatuta, aurten nabarmen gehitu dira informazio publikoaren eskaerak: 21 eskaeratik 37ra igaro da, hots, % 76ko igoera izan da. Baietsitako eskaeren kopurua hirukoitza izan da 2017ko datuen aldean: guztira 30 ebazpen izan dira baiestekoak 2018an.

Eskaerak ebazteko batez besteko epeak % 66 egin du gora (batez beste 27 egun izatetik 45 egunera igaro da).

Eskatzaileen profilak berdintsu mantendu dira: informazio publikoaren eskaerarik gehien gizonetakoekin egin dituzte; hain zuzen, 20 egin dituzte gizonetakoekin, eta 7 emakumetakoekin.

Bai 2017an bai 2018an, eskaera gehienak gaztelaniaz egin dira; eskaeren % 5 bakarrik aurkeztu dira euskaraz.

Gobernu Irekiaren Atarian argitaratutako edukiak finkatu dira, eta eguneratze eta hobetze prozesua etengabea da.

Hobekuntza hauek egin dira garrantzi juridikoa daukan informazioari lotuta:

- Atal bat sortu da, honako hauei buruzko informazioa emateko: foru arauen proiektuak, araugintzako foru dekretuen proiektuak eta indarrean dauden zerga premiazko araugintzako dekretuak; eta, Foru Gobernu Kontseiluak onetsi ondoren, araugintzako testu horiek egiteko espedienteak osatzen dituzten memoriak eta txostenak.
- Legeria sektorialaren arabera informazio publikoari loturik dauden aldundiaren jardunak: indarreko legeria sektorialaren arabera, izapidetzean jendaurrean jarri behar diren agiriak. Esate baterako, desjabetzeak.

Araba Irekia atariko atal berriak:

- Araugintzako foru dekretuen proiektuak, Aholku Batzordearen irizpena behar dutenak, eta haien irizpenak.
- 2018ko ekainean, 2015-2019 aldiko plan estrategikoaren jarraipena eta aurrerapen maila argitaratu zen.
- Foru aldundiaren sailen plan sektorialak.



- Kontratu Errekurtsoen Foru Organo Administratiboaren ebazpenak
- Etika Publikoaren Batzordea
- Gardentasunaren ebaluazioa; hor sartzen dira informaziorako sarbidea ezesten edo mugatzen duten ebazpen guztiak, interesdunei jakinarazi ondoren.
- Herritarren parte hartzerako organoak eta guneak.
- Gardentasunaren Katalogora erantsitako eduki berri guztia.

Guztiz bete ez diren hobekuntzak:

- Aurrekontuak modu grafikoan ikusi ahal izatea. Laster sartzea aurreikusi da.
- Planen eta programen ebaluazioa: Gobernu Planaren jarraipena argitaratu da, baina haren ebaluazioa ez, oraingoz. Plan sektorialeki dagokienez, sailek ez dituzte argitaratu oraindik beren urteko planen eta programen ebaluazioak.

Gaur egun, lanean ari gara gardentasunarekin eta informazio publikoa eskuratzearekin lotutako hobekuntzak egiteko:

- **Araba Irekia** atariko edukiak gehitzea eta haien kalitatea optimizatzea.
- Aurrekontuak modu grafikoan ikusi ahal izatea.
- Sarrien eskatzen den informazioa pixkanaka argitaratzea.
- Plan sektorialen eta jardun esanguratsuen argitalpenaren egitura hobetzea.

Gainera, honako hauek egiteko lanean ere aurrera jarraitzen dugu:

- Hobekuntza teknikoak **Araba Irekia** atarian, herritarrek errazago izan dezaten atarira sartu eta han ibiltzea.
- Informazio bisual, irudi eta grafiko gehiago sartu, informazioa eta datuak errazago eskuratzeko.
- Lege testuak egokitu, herritarrek errazago uler ditzaten.
- Formatu berrerabilgarrian gehiago argitaratu. Datu ekonomikoak, batez ere.
- Edukiak datu irekietan argitaratu.
- Sektore publikoko erakundeetako zuzendaritzekin eta kudeatzailetzekin komunikazio bideak finkatu publikotasun aktiboari eta informazio publikoa eskuratzeari dagokionez.
- Gardentasuna bultzatu antolakuntza mailan (kargu publikoak eta langile publikoak) eta kanpoko mailan (herritarrak sentsibilizatzeko kanpainak).

Bestalde, ahalegin handia egiten ari gara arian-arian gehitzeko arabarrentzat intereseko izan litekeen informazio publikoa, nahitaez eman beharrekoa izan ez arren. Eduki osagarri horien zati bat Araba Irekia atarian dago, zehazki “Informazio Publikoko Katalogoan”.